

anzudeuten / damit ein jeder Haushalter /  
der in der eyl keinen Medicum bey sich  
haben kan / vnd auch seine Haus Arzneyen  
recht vnd wol anwenden möge (vnd nicht  
wie die alten Weiber / welche gewisse Arz-  
neyen auch die Todten zu erwecken zu ha-  
ben / vñ sich giftig speyen) einen Wegwei-  
ser haben möge: War vnd am tage ist es /  
daß offte viel Menschen durch vnzeitige  
administration, auch wol guter Mit-  
tel vor der Zeit in das Grab beissen / vnd  
den Würmern zur Speise werden / vnd  
geschicht offte / daß ganze Stätte vnd  
Dörffer / auch wol ein ganzes Land also  
Noth leiden müssen. Es kömpt aber diese  
Krankheit / vmb mehrer Nachrichtung  
willen / bisweilen per se vor sich selbst als  
leine / bisweilen mit einem Fieber / welches  
vor sich selber nicht böß / bisweilen mit ei-  
nem febri malignâ, epidemiali oder pe-  
stilentiali, bisweilen kömpt sie allein /  
bald drauff folget ein Fieber / vnd machet  
also einen Eingang vnd Vorbereitung zu  
dem Tod / Wie Hippocrates lib. 6. Aph.  
3. saget / Et lib. 2. Prædict. inquit: Dysen-  
terix siquidem cum febre invaserint,  
aut